

Skikrinsstyret@

Sakshand.: YT/FÅ/IN

Dato: 13.02.2018

Arkivk.: styret/møter/protokoll/17-19

PROTOKOLL MØTE NR. 03 I SKIKRINSSTYRET, 2017-2019
--

Stad: Skei, Thon Jølster Hotell
Tidspunkt: Måndag 12. februar 2018, kl. 18.00-21.00

REFERATSAKER

SAK 34 17-19 Godkjenning av innkalling og sakliste
SAK 35 17-19 Godkjenning av protokoll nr. 02 17-19 frå Skikrinsstyret

ORIENTERINGSSAKER

SAK 36 17-19 Ny adm. sjef i SFSK f.o.m. 1. mars 2018
SAK 37 17-19 Sonemøter SFSK

RAPPORTERING

SAK 38 17-19 Rekneskapsrapport pr. 31.12.2017
SAK 39 17-19 SFSK Handlingsplan 2017-2019

DISKUSJON- OG VEDTAKSAKER

SAK 40 17-19 Organisering NSF
SAK 41 17-19 Endring alpinksjefen
SAK 42 17-19 Ski-tinget 2018
SAK 43 17-19 Arbeidet til valkomiteen NSF
SAK 44 17-19 Representasjon Idrettskrinstinget 2018
SAK 45 17-19 Høyring SFIK Handlingsplan 2016-2020
SAK 46 17-19 Status markedsarbeid
SAK 47 17-19 Vår møte SFSK 14. mai 2018 program
SAK 48 17-19 NSF «Utetimen»

EVENTUELT

TIL STADES: Finn Årdal, Hallvard Nygård, Tonje Norheim Tangerud, Per Asbjørn Felde, Henning Sæthre, Sjur Håvard Øygard, Ole Petter Henden (2. varamedlem), Ingrid Narum (ny adm. sjef f.o.m. 1. mars 2018) og Yngve Thorsen (adm.)

FORFALL: Margot Åsebø, Oddmund Lefdal og Asle Sande (1. varamedlem)

MERKNADER: Per Asbjørn Felde (nestleiar AK) deltok i møtet i stadenfor Atle Hamar (leiar AK), sjå sak 41 17-19.

REFERENT: Yngve Thorsen/Ingrid Narum

REFERATSAKER

SAK 34 17-19

Godkjenning av innkalling og sakliste Bakgrunn

Innkalling og sakliste er sendt ut på førehand.

VEDTAK

Skikrinsstyret godkjenner innkalling og sakliste.

SAK 35 17-19

Godkjenning av protokoll nr. 02 17-19 frå Skikrinsstyret Bakgrunn

Protokoll frå styremøte nr. 02 17-19 er sendt ut tidlegare, og er godkjent elektronisk. Protokollen finn ein vedlagt.

VEDTAK

Skikrinsstyret godkjenner protokoll nr. 02 17-19.

ORIENTERINGSSAKER

SAK 36 17-19

Ny adm. sjef i SFSK f.o.m. 1. mars 2018 Bakgrunn

Ingrid Narum er tilsett som ny administrasjonssjef f.o.m. 01. mars 2018.

Narum tek dermed over stillinga etter at mangeårig administrasjonssjef Yngve Thorsen, begynner som HMS ansvarleg hjå Coop Vest SA frå 1. mars. Narum har lang erfaring frå idretten, og kjem frå stillinga som plan- og utdanningsleiar i Sogn og Fjordane idrettskrins.

Ho er tidlegare aktiv langrennsløpar, og har m.a. 27 startar i verdscupen.

Narum er førebels tilsett i 40% stilling i februar, og vidare i 50% stilling i mars og april, før ho tek til i 100% stilling 01. mai 2018.

Ved denne ordninga legg ein til rette for ein god overgang i administrasjonen.

VEDTAK

Skikrinsstyret tek saka til orientering.

SAK 37 17-19

Sonemøter SFSK Bakgrunn

Viser til SFSK sin handlingsplan for perioden 2017-2019 der skikrinsen skal implementere SUM i eigen krins.

I handlingsplanen skal skikrinsen gjennomføre 4 klubbbesøk/sonemøter pr. år i tingperioden.

I oppfølginga av tiltaket har ein planlagt 3 sonemøter våren 2018 slik:

- Sonemøte Sogn – 5. mars 2018, Sogndal
- Sonemøte Nordfjord – 12. mars 2018, Eid
- Sonemøte Sunnfjord – 19. mars 2018, Førde

Målet med sonemøta er å bli kjent med Skiforbundet sin utviklingsmodell og lære korleis ein kan jobbe med konkrete verktøy for å utvikle eigen klubb. Her blir klubbane bevisst på status og einige om konkrete handlingar og tiltak – både for seg sjølv og i samarbeid med andre klubbar.

Møta er opne for tillitsvalte, trenarar, føresette og andre skiinteressert i skiklubbane.

VEDTAK

Skikrinsstyret tek saka til orientering, og gjer vidare vedtak om følgjande representasjon i samband med aktuelle sonemøter:

- Sonemøte Sogn – 5. mars 2018, Sogndal; Tonje Norheim Tangerud, Henning Sæthre og Oddmund Lefdal (?)
- Sonemøte Nordfjord – 12. mars 2018, Eid; Margot Åsebø (?), Ole Petter Henden og Per Asbjørn Felde.
- Sonemøte Sunnfjord – 19. mars 2018, Førde; Finn Årdal, Hallvard Nygård, Sjur Håvard Øygard.

RAPPORTERING **SAK 38 17-19**

Rekneskapsrapport pr. 31.12.2017

Bakgrunn

Rekneskapsrapport pr. 31.12.2017 er lagt ved som eige vedlegg.

Nøkkeltal pr. 31.12.2017:

SFSK Driftsinnt. totalt	SFSK Driftskost. totalt	SFSK Resultat	SFSK Årsbudsjett
Kr 3 423 417,-	Kr 3 234 451,-	Kr 188 966,-	Kr 0,00
AU Driftsinnt. totalt	AU Driftskost. totalt	AU Resultat	AU Årsbudsjett
Kr 810 179,-	Kr 783 535,-	Kr 26 644,-	Kr 0,00
AK Driftsinnt. totalt	AK Driftskost. totalt	AK Resultat	AK Årsbudsjett
Kr 1 245 144,-	Kr 1 177 342,-	Kr 67 802,-	Kr 0,00
HKK Driftsinnt. totalt	HKK Driftskost. totalt	HKK Resultat	HKK Årsbudsjett
Kr 55 175,-	Kr 45 933,-	Kr 9 242,-	Kr 0,00
LK Driftsinnt. totalt	LK Driftskost. totalt	LK Resultat pr.	LK Årsbudsjett
Kr 1 312 918,-	Kr 1 227 640,-	Kr 85 278,-	Kr 0,00

Skikrinsstyret må vere merksam på at rekneskapan for 2017 ikkje er ferdigstilt p.t.

Prognose for 2017 er ca. kr. 70 000,- i positivt økonomisk resultat.

VEDTAK

Skikrinsstyret tek saka til orientering, og gjer vidare vedtak om at tilskotet (kr. 100 000,-) til Ski i skulen utbetalt av fylkeskommunen desember 2017 settast av til vidare drift av prosjektet vinteren 2018.

SAK 39 17-19

SFSK Handlingsplan 2017-2019

Bakgrunn

Skikrinsstyret oppdaterte SFSK sin handlingsplan 2017-2019 med omsyn til status.

VEDTAK

Skikrinsstyret tek saka til orientering.

DISKUSJON- OG VEDTAKSAKER

SAK 40 17-19

Organisering NSF

Bakgrunn

Notat frå arbeidsgruppe nedsett på kretsledermøte i Lathi:

Norges Skiforbund har de siste to årene opplevd flere vanskelige saker som har satt organisasjonen på prøve, både politisk, administrativt og juridisk. Resultatet av sakene har dels gitt usikkerhet knyttet til inntekter, dels gitt negative ringvirkninger for omdømmet, og dels medført interne utfordringer knyttet til styring og kontroll. Kretslederne har underveis gjennom de vanskelige sakene blitt orientert om Skistyrets håndtering av sakene, og har gjennom dette også blitt kjent med de organisatoriske utfordringene som har oppstått i kjølvannet av enkelte av sakene.

På bakgrunn av diskusjon under internt kretsledermøte 27. februar 2017 under VM i Lahti, ble kretslederne enige om å nedsette en arbeidsgruppe som skulle se på og vurdere forbedringer i politisk organisering i NSF.

Kretsutvalget fremla sin foreløpige konklusjon for kretsledermøtet på Hamar 11. januar 2018. Det ble på kretsledermøtet besluttet å gå videre med vurdering av organisatoriske forbedringer av det sentrale leddet i NSF gjennom involvering og behandling i de enkelte kretsstyrene.

Forslag til endring i politisk organisering av Skiforbundet.

Med basis i utvalgets kartlegging foreslås tre konkrete endringer:

- *Skistyret reduseres til 9 medlemmer, inkludert ansattes representant. Grenkomitelederne trer ut av Skistyret for å sikre at det ikke foreligger dobbeltroller i organisasjonen*
- *Grenkomiteene oppnevnes i sin helhet av Skistyret*
- *Kretsledermøtet får en utvidet og styrket funksjon mellom Skitingene, herunder tillegges kretsledermøtet myndighet til å godkjenne årsregnskap og årsberetning i årene mellom skitingene, samt at kretsledermøtet innstiller til valgkomite som velges på Skitinget*

Gjennom disse endringene mener arbeidsutvalget at man sikrer en organisasjon hvor det er sammenheng mellom ansvar, beslutningsmyndighet, operativt ansvar og rapporteringslinjer.

Frist for svar til NSF er 27. februar 2018.

Notat frå arbeidsgruppa, oppsummering av endringar i NSF og oversikt over ansvar og myndigheit er lagt ved som eige vedlegg.

VEDTAK

Skikrinsstyret er positive til framlegg til endring i politisk organisering av Skiforbundet.

SAK 41 17-19

Endring alpikomiteen

Bakgrunn

Atle Hamar (leiar AK) har sagt frå seg vervet som leiar for alpikomiteen. Bakgrunnen er at han er utnemnd som statssekretær i Klima- og Miljødepartementet i «Solberg 2».

Årsaka til at Hamar trekker seg frå vervet er knytt til habilitet, og kva som er mogeleg å få til av praktisk arbeid for komiteen ut tingperioden.

Nestleiar i AK, Per Asbjørn Felde, har sagt seg villig til å ta over vervet som leiar. Det er vidare eit tydleg ynskje frå AK at komiteen bør vere fulltalig ut tingperioden. Vidare har Hege Venes (medlem i AK) ytra ynskje om å gå ut av komiteen, fordi ho ikkje lenger har born som er aktive innanfor alpint. Komiteen ynskjer dermed at det skal veljast to nye medlemar i AK ved eit ev. ekstraordinært Skikrinsting våren 2018.

VEDTAK

Skikrinsstyret tek saka til orientering. Ein gjer vidare vedtak om at det vert kalla inn til ekstraordinært skikrinsting i samband med Vårmetet (14. mai 2018), der ein føretak val av to nye medlemar i AK. Styreleiar varslar leiar i valkomiteen om saka.

Skikrinsstyret gjer vidare vedtak om at valnemnda også gjer ei vurdering om ev. endring i samansetjing av telemark/ randoneekomiteen.

SAK 42 17-19

Ski-tinget 2018

Bakgrunn

Norges Skiforbund avviklar Ski-tinget 2018 i Stavanger 2.-3. juni 2018.

I samband med tinget har SFSK 4 representantar. Skikrinsstyret oppnemner delegatane i styremøtet.

Grenkomiteane sine fagmøte og andre møter vert gjennomført i samband med Ski-tinget, og er planlagt i perioden torsdag 31. mai. – fredag 1. juni.

VEDTAK

Skikrinsstyret gjer vedtak om følgjande representasjon i samband Ski-tinget 2018:

- Styreleiar, Finn Årdal (Jølster IL)
- Styremedlem; Tonje Norheim Tangerud (Sogndal IL)
- Styremedlem; Margot Åsebø (Haugen IL) ?
- Styremedlem og leiar i LK; Oddmund Lefdal (IL Bjørn) ?

Administrasjonen følgjer opp saka.

SAK 43 17-19

Arbeidet til valkomiteen NSF

Bakgrunn

Ski-tinget 2018 nærmar seg, og valkomiteen i NSF har begynt sitt arbeid. Valkomiteen ynskjer seg eit best mogleg utval av kandidatar til dei ulike verva. Valkomiteen har så langt utarbeida ei komplett oversikt over kva tillitsvalte som har sagt seg villig til å ta attval, men uavhengig av dei tilbagemeldingane oppmodar ein krinsane å fremme forslag til alle dei tillitsverv som skal veljast. Forslagsfrist er 1. mars 2018.

Det skal fremjast forslag på kandidatar til følgjande verv/komitear:

- Skistyret; president, visepresident og 5 styremedlemar
- Leiar, nestleiar og 2-4 medlemar i kvar greinkomite
- Kontrollkomiteen; leiar og 3 medlemar
- Lov- og påtaleutval; leiar og 3 medlemar

VEDTAK

Skikrinsstyret gjer vedtak om at styreleiar og nestleiar får fullmakt til å arbeide vidare med saka.

SAK 44 17-19

Representasjon Idrettskrinstinget 2018

Bakgrunn

Idrettskrinstinget vert avvikla 14. april i Sogndal. I samband med tinget har SFSK 4 representantar. Skikrinsstyret oppnemner delegatane i styremøtet.

VEDTAK

- Styreleiar, Finn Årdal (Jølster IL)
- Styremedlem; Tonje Norheim Tangerud (Sogndal IL)
- Styremedlem; Margot Åsebø (Haugen IL) ?
- Nestleiar; Hallvard Nygård (Førde IL)

Administrasjonen følgjer opp saka.

SAK 45 17-19

Høyring SFIK Handlingsplan 2016-2020

Bakgrunn

Idrettskrinstinget 2016 vedtok Handlingsplan 2016-2020 for idretten i Sogn og Fjordane. På Idrettskrinstinget 2018 i Sogndal 14. april skal handlingsplanen rullerast. SFIK ynskjer innspel på utkast til handlingsplan, jf. utsett frist for tilbagemelding 13. februar.

Utkast til revidert handlingsplan er lagt ved som eige vedlegg.

VEDTAK

Skikrinsstyret gjer vedtak om følgjande innspel i høve saka:

- Prioriteringane på s. 4 i dokumentet skal nummererast slik:
 - 1) Gode rammevilkår for idretten i fylket.
 - 2) Styrke og utvikle idrettsråda.
 - 3) Utvikle organisasjonskompetansen til idrettslaga.
 - 4) Fleire unge vel å vere aktive og får utvikle seg innanfor idrettslaga, som utøvar, trenar eller leiar.

Bakgrunnen for dette innspelet er knytt til den generelle arbeidsdelinga innafor idretten, og idrettskrinsen sin rolle i høve til særkrinsane.

Skikrinsstyret føreslår vidare at pkt. om *Regionalisering* på s. 15 bør konkretiserast i høve til kva som er idretten i Sogn og Fjordane sine interesser i arbeidet med regionalisering.

M.a. er det viktig å arbeide for å sikre at funksjonar og arbeidsoppgåver blir lagt til Idrettens hus i Førde.

Skikrinsstyret stiller elles spørsmål om kvifor Idrettskrinsstyret ikkje har sett i verk ei konsekvensutgreiing i det førebuande arbeidet med regionalisering, der m.a. idretten i Sogn og Fjordane er teke med på råd.

SAK 46 17-19

Status markedsarbeid

Bakgrunn

Status i Sogn og Fjordane Skikrins sitt markedsarbeid.

Verksemd	Grein	Går ut	Status
Fylkeskommunen	AU/Ski i Skulen		Prosessen er slutført for 2018. Avtalt møte med SOFIK 13. februar 2018.
Skiing Norway, Hotel Alexandra	AU	2017	Fakt. sept. 2017. Prosjektet vert fasa ut av NSF.
Skiing Norway, Skogstad Sport AS	AU	2018	Fakt. sept. 2017. Prosjektet vert fasa ut av NSF.
AVIS Bilutleige	AU	2018	Avtalen går ut 31.08.2018. Reforhandling vår/sommar 2018.
ByggTeam AS	Langrenn	2018	Avtalen er reforhandla t.o.m. våren 2018. Økonomisk nivå er same som tidlegare. Avtalen skal reforhandlast vinter/vår 2018.
Sparebanken S. og Fj	Langrenn	2017	Eksisterande avtale gjekk ut 31.12.2017. Ny avtale er reforhandla for 3 nye år (t.o.m. 2020).
Intersport/ Erdal Sport AS	Langrenn	2017	Avtalen må reforhandlast vinteren 2018.
SFE	Hopp/ langrenn	2019	Avtale reforhandla i 2017.
COOP Vest SA	Alpint	2018	Avtalen går ut 31.12.2018. Reforhandlast hausten 2018.

Verksemd	Grein	Går ut	Status
Fjord1	Alpint	2018	Avtalen går ut 01.09.2018. Reforhandlast vår/sommar 2018.
Sparebanken Vest	Alpint	2018	Avtalen går ut 31.12.2018. Reforhandlast sommar/haust 2018.
Frydenbø Bilsenter AS	Alpint	2017	Avtalen er under referhandling.

VEDTAK

Skikrinsstyret tek saka til orientering og viser til sak 12 17-19 der det vart gjort følgjande ansvarsdeling:

- 1) Sogn og Fjordane fylkeskommune, ansv.: Adm.
- 2) ByggTeam, ansv.: Adm.
- 3) G-Sport/ Erdal Sport AS, ansv.: Adm.
- 4) Frydenbø Bilsenter AS, ansv.: Atle H.
- 5) Fjord1, ansv.: Atle H. Tonje N. og adm.
- 6) Sparebanken Vest, ansv.: Atle H. og adm.

SAK 47 17-19

Vårmøte SFSK 14. mai 2018 program

Bakgrunn

I høve til tidlegare drøftingar har skikrinsstyret gjort vedtak om at Vårmøtet skal avviklast 14. mai 2018 ved Thon Jølster Hotel, Skei. Skikrinsstyret drøftar rammeprogram og innhald for fellesdelen.

VEDTAK

Skikrinsstyret gjer følgjande vedtak i saka: Ein skal førespørje Alexander Støckl om å vere foredragshaldar på Vårmøtet sin fellesdel. Adm. følgjer opp saka.

Vidare skal «Sogn og Fjordane leikane» drøftast som tiltak på tvers av greinene på møtet sin fellesdel.

SAK 48 17-19

NSF «Utetimen»

Bakgrunn

NSF har lansert eit nytt konsept for barn og unge – «Utetimen». «Utetimen» er tilrettelagt for bruk i skule- og skiklubbar. Dette er ein viktig del av samfunnsengasjementet til både SpareBank 1 og Norges Skiforbund. Konseptet «Utetimen» er ei kunnskaps- og aktivitetsløype som kan bidra til at fleire barn og unge opplever gleda av det å vere i fysisk aktivitet. «Utetimen» inneheld undervisningsopplegg i fleire teoretiske fag som kombinerast med fysisk aktivitet. Norsk Idrett har mål om ein time fysisk aktivitet i skulen kvar dag, og «Utetimen» er eit bidrag til å nå dette målet.

[Les meir om «Utetimen».](#)

Styreleiar ynskjer å drøfte med skikrinsstyret om konseptet «Utetimen» også bør lanserast i Sogn og Fjordane.



VEDTAK

Skikrinsstyret gjer vedtak om å vidareutvikle prosjektet «Ski i Skulen» i høve til innhaldet i skulane sine tradisjonelle skidagar.

I tråd med drøftingar i Skikrinsstyret skal det m.a. utarbeidast prosjektsøknad til Sparebankstiftinga innan 01. mars 2018.

EVENTUELT

Med venleg helsing
Sogn og Fjordane Skikrins

Finn Årdal (s)
Styreleiar

Yngve Thorsen (s)
Adm. sjef

Vedlegg SAK 35 17-19 Godkjenning av protokoll nr. 02 17-19 frå Skikrinsstyret

Skikrinsstyret@

Sakshand.: YT/FÅ

Dato: 12.12.2017

Arkivk.: styret/møter/innkalling/17-19

PROTOKOLL MØTE NR. 02 I SKIKRINSSTYRET, 2017-2019
--

Stad: Skei, Thon Jølster Hotell

Tidspunkt: Måndag 11. desember 2017, kl. 17.00-21.20

RAMMEPROGRAM, MÅNDAG 11. DESEMBER 2017

Program	Tidspunkt	Saker	Andre opplysningar
Frammøte	Kl. 17.00-18.00	Sak 18-25/ 17-19	
Middag, juletallerken	Kl. 18.05-18.55		
Møte i Skikrinsstyret	Kl. 19.00-21.00	Sak 26-32/ 17-19	

REFERATSAKER

SAK 18 17-19 Godkjenning av innkalling og sakliste
SAK 19 17-19 Godkjenning av protokoll nr. 01 17-19 frå Skikrinsstyret
SAK 20 17-19 SFSK AK referat Haustmøtet 2017
SAK 21 17-19 SFSK AK protokoll nr. 02 17-19
SAK 22 17-19 SFSK LK referat Haustmøtet 2017
SAK 23 17-19 SFSK HKK protokoll nr. 02 17-19
SAK 24 17-19 SFSK HKK referat Haustmøtet 2017

RAPPORTERING

SAK 25 17-19 Rekneskapsrapport pr. 30.11.2017

DISKUSJON- OG VEDTAKSAKER

SAK 26 17-19 Tilsetjing av ny administrasjonssjef i Sogn og Fj. Skikrins
SAK 27 17-19 «Fluor-saken»
SAK 28 17-19 Omorganisering av SFSK sine felles komitèar
SAK 29 17-19 Budsjett 2018
SAK 30 17-19 SUM; SFSK Handlingsplan 2017-2019
SAK 31 17-19 Skiidretten sin handlingsplan for antidoping arbeid 2017-2020

ORIENTERINGSSAKER

SAK 32 17-19 Ski i Skulen 2018

EVENTUELT

SAK 33 17-19 Møteplan 1. halvår 2018

TIL STADES: Finn Årdal, Hallvard Nygård, Margot Åsebø, Tonje Norheim Tangerud, Atle Hamar, Oddmund Lefdal, Henning Sæthre, Sjur Håvard Øygard og Yngve Thorsen (adm.)

FORFALL:

MERKNADER:

REFERENT: Yngve Thorsen

REFERATSAKER

**SAK 18 17-19 Godkjenning av innkalling og sakliste
Bakgrunn**
Innkalling og sakliste er sendt ut på førehand.

VEDTAK
Skikrinsstyret godkjenner innkalling og sakliste.

**SAK 19 17-19 Godkjenning av protokoll nr. 01 17-19 frå Skikrinsstyret
Bakgrunn**
Protokoll frå styremøte nr. 01 17-19 er sendt ut tidlegare, og er godkjent elektronisk. Protokollen er også lagt ved som eige vedlegg.

VEDTAK
Skikrinsstyret godkjenner protokoll nr. 01 17-19.

**SAK 20 17-19 SFSK AK referat Haustmøtet 2017
Bakgrunn**
Referat frå alpinkomiteen sitt Haustmøte er vedlagt.

VEDTAK
Skikrinsstyret tek referatet til orientering.

**SAK 21 17-19 SFSK AK protokoll nr. 02 17-19
Bakgrunn**
Protokoll frå møte nr. 02 17-19 i alpinkomiteen er vedlagt.

VEDTAK
Skikrinsstyret tek protokollen til orientering.

**SAK 22 17-19 SFSK LK referat Haustmøtet 2017
Bakgrunn**
Referat frå langrennskomiteen sitt Haustmøte er vedlagt.

VEDTAK
Skikrinsstyret tek referatet til orientering.

SAK 23 17-19

SFSK HKK protokoll nr. 02 17-19

Bakgrunn

Protokoll frå møte nr. 02 17-19 i hopp- og kombinertkomiteen er vedlagt.

VEDTAK

Skikrinsstyret tek protokollen til orientering.

SAK 24 17-19

SFSK HKK referat Haustmøtet 2017

Bakgrunn

Referat frå alpinkomiteen sitt Haustmøte er vedlagt.

VEDTAK

Skikrinsstyret tek referatet til orientering.

RAPPORTERING

SAK 25 17-19

Rekneskapsrapport pr. 30.11.2017

Bakgrunn

Rekneskap pr. 30.11.2017 er vedlagt.

Adm. presenterte rapporten i møtet.

VEDTAK

Skikrinsstyret tek rapporten til orientering.

DISKUSJON- OG VEDTAKSAKER

SAK 26 17-19

Tilsetjing av ny administrasjonssjef i Sogn og Fj. Skikrins

Bakgrunn

Administrasjonssjef i Sogn og Fjordane Skikrins, Yngve Thorsen, har sagt opp si stilling frå 29. november 2017. Jf. arbeidsavtale er det 3 månader oppseing i stillinga. Siste arbeidsdag er onsdag 28. februar 2017.

Thorsen har takka ja til ny stilling som HMS ansvarleg i Coop Vest SA.

Saman med Norges Skiforbund startar skikrinsen no arbeidet med å finne ny administrasjonssjef.

Framdriftsplan:

- Utlysing av stilling, veke 49
- Søknadsfrist, måndag 18. desember 2017
- Handsaming av søknader, veke 51
- Intervjurunder, veke 2 og 3

Prosessen med tilsetjing av ny administrasjonssjef vert leia av utviklingssjef i Norges Skiforbund Helen Ingebretsen og krinsleiar Finn Årdal.

I samband med handsaming av saka ynskjer krinsleiar at Skikrinsstyret drøftar «profilen» til ny administrasjonssjef.

VEDTAK

Skikrinsstyret tek saka til orientering, og legg følgjande profil til grunn for vidare arbeid:

- Sterk organisator
- God tilretteleggar
- Strukturert
- Økonomistyring
- Markedsrelatert
- Fleksibilitet/ tilgjengeleg
- Kommunikasjonsevner (munnleg/ skriftleg)

Arbeidsstaden skal vere ved Idrettens Hus i Førde.

SAK 27 17-19

«Fluor-saken»

Bakgrunn

Viser til utgreiing og vedtak frå Skikrinstinget 2017, Sak 9.2 Forbod mot fluorholdig glidesmurning i aldersbestemte klassar.

Skikrinstinget gjer vedtak om at Sogn og Fjordane Skikrins skal følgje Norges Skiforbund sine anbefalingar og vedtak i høve saka, samt at ein støttar arbeidet med forbod mot bruk av fluorhaldige gliprodukt i aldersbestemte årsklassar.

Skikrinstinget gjer vedtak om at Sogn og Fjordane Skikrins skal førebu og informere idrettslaga og ålmenta om forbodet som kan kome, i høve bruk av fluorhaldige gliprodukt i aldersbestemte årsklassar.

Det har den siste tida versert noko ulike oppfatningar og variantar når det gjeld ev. fluorforbod, og i den samanheng har Norges Skiforbund komt med følgjande presisering.

Langrennskomiteen (NSF) sitt vedtak i etterkant av Haustmøtet var som følgjer:

Langrennskomiteen i Norges Skiforbund innfører eit fluorforbod i klassane til og med 16 år, men først når det finst sikre kontrollmetodar som kan identifisere fluor under skia før start i skirenn. Metodar for kontroll finst ikkje per dags dato, men fleire arbeidar med å få dette på plass. Fram til dette forbodet trer i kraft oppmodar ein alle skikretsar og klubbar til å nytte gliprodukt utan fluor – i alle skirenn – spesielt til og med 16 år. Når sikre kontrollmetodar er på plass skal forbodet gjelde frå 14 dagar etter at alle kretsar og klubbar har mottatt informasjon frå NSF om at forbodet inntreffer. For å avgrense helse- og miljøskade ved bruk av fluor vil langrennskomiteen i Norges Skiforbund oppmode alle å sjå til at vedtekne smørevettreglar og reglar for handsaming av avfall vert fulgt.

Endringar i rennreglementet vert vedteke av Skistyret etter uttale frå lov- og påtaleutvalet, og inntil kontrollmetodar er på plass og eit slikt vedtak er gjort, føreligg det ikkje noko forbod mot fluor i konkurransar.

Skikretsane har dermed ikkje høve til å innføre egne rennreglement for renn i NSF si terminliste. Kretsar og klubbar må gjerne vedta oppmodingar, men dette kan ikkje kommuniserast som regel eller forbod.

Når det gjeld kombinert er det slik at ein har ei ordning i Norgescup med felles smøreservice for samtlege deltakarar. Innanfor denne ordninga bestemte ein framfor denne sesongen at fluor ikkje skulle nyttast. Formelt må dette ikkje forvekslast med eit forbod.

VEDTAK

Skikrinsstyret tek saka til orientering, og gjer vidare vedtak om å oppmode at alle arrangement approbert i Sogn og Fjordane Skikrins si terminliste skal vere «fluorfrie». Dvs. at ein oppmodar alle klubbar å nytte gliprodukt utan fluor – spesielt i årsklassane til og med 16 år.

SAK 28 17-19

Omorganisering av SFSK sine felles komitèar

Bakgrunn

Leiar foreslår at Skikrinsstyret gjer ei nærare drøfting om følgjande tverridrettslege utval skal avviklast:

- 1) Økonomi- og sponsorutvalet
- 2) Utdanning- og utviklingsutvalet

Bakgrunnen for drøftinga er knytt til lite eller ingen aktivitet i desse utvala siste 10 åra, og at saker knytt til desse utvala sine arbeidsområder har vore handsama direkte i Skikrinsstyret i samråd med administrasjonen.

For øvrig kan ein legge til at Skikrinsstyret fritt kan opprette og legge ned utval, men ein kan ikkje avvikle valde fagkomitear. Vidare kan ein heller ikkje avvikle anleggskomiteen, då det i Sogn og Fjordane Skikrins si lov er presisert (§20, pkt. 3) at ein skal ha eit anleggsutval med det tal medlemmer som Skikrinsstyret avgjer.

VEDTAK

Skikrinsstyret gjer vedtak om at følgjande utval skal avviklast f.o.m. dags dato:

- 1) Økonomi- og sponsorutvalet
- 2) Utdanning- og utviklingsutvalet

SAK 29 17-19

Budsjett 2018

Bakgrunn

Framlegg til rammer for budsjett for 2018 er vedlagt.

Administrasjonen sitt framlegg til budsjett for 2018 balanserar, med årsbudsjetterte driftsinntekter på kr. 3 078 500,- og årsbudsjetterte driftskostnader på kr. 3 078 500,-.

Rammene for inntektene er i hovudsak basert på markedsinntekter, lagskontingent (årskontingent), tilskot frå idrettskrins, tilskot frå

fylkeskommune, tilskot frå NSF (post 3 midlar), momskompensasjon, rennavgifter samt eigendelar frå løparar/ føresette og klubb.

Administrasjonen ber skikrinsstyret vere merksame på følgjande:

- Markedsinntektene til Sogn og Fjordane Skikrins er budsjettert på same nivå som i 2017.
- Markedsavtalane til skikrinsen er reforhandla for budsjettåret 2018. Ver merksam på at følgjande markedsavtalar må reforhandlast i 2018 på min. av dagens nivå: ByggTeam AS (langrenn), Frydenbø AS og Fjord1 (alpint). I tillegg må barteravtalen med Erdal Sport AS (Intersport) og AVIS Bilutleige reforhandlast.

Det er elles budsjettert med post 3-midlar (Norges Skiforbund) på totalt kr 45 000,- fordelt på Rekrutteringsprosjektet, integrering, samt kurs og utdanningsverksemd.

Prinsippet med fordelingsnøkkelen knytt til markedsinntektene, der 88% av inntektene blir ført vidare til greinkomiteane, medan AU held igjen 12% til eiga drift er lagt til grunn i framlegg til budsjett.

ARBEIDSUTVALET

AU – Drift administrasjon

Markedsinntekter

Samla budsjetterte markedsinntekter i 2018 er ca. kr. 940 000,- etter at meirverdiavgifta er trekt frå samarbeidsavtalane med Sparebanken Sogn og Fjordane og Sparebanken Vest.

Tilskot frå idrettskrins

Det er budsjettert med kr 95 000,- i tilskot frå idrettskrinsen (fylkeskommunalt tilskot), om lag same nivå som rekneskapstala for 2017 syner.

Lagskontingent

Lagskontingenten (årskontingent) er budsjettert ihht. til vedtak i samband med Skikrinstinget 2017, og utgjer samla ca. kr. 210 000,-.

Momskompensasjon

Jf. signal frå Norges Idrettsforbund og retningslinjer for utbetaling av momskompensasjon er denne tilskotsordninga budsjettert med kr. 160 000,- (samla for skikrinsen). Dvs. ca. 5% av sum driftskostnader for organisasjonen.

Det er elles verdt å merke seg at momskompensasjonen er fordelt i høve til prosentvis andel budsjetterte driftskostnader for AU og respektive greinkomitèar.

IT kostnader

IT kostnadane er budsjettert med kr 35 000,-, same nivå som budsjettet for 2017 viser.

Rekrutteringsprosjekt

I rekrutteringsprosjektet er det budsjettert med sonevise Miljøsamlingar.

Ibhm. Miljøsamlingane er det budsjettert med eit tilskot til tekniske arrangørar i 2018 på tilsaman kr. 19 500,-.

Det er vidare budsjettert med eit tilskot på kr 15 000,- til rekrutteringsprosjektet frå NSF (post 3 midlar), samt kr. 12 000,- i deltakaravgifter.

Funksjonshemma

Innanfor område integrering/ funksjonshemma er det budsjettert med 2 stk. ski- og snøsamlingar som blir gjennomført i lag med NAV Hjelpemiddelsentralen.

Det er verdt å merke seg at det også er budsjettert med eit tilskot frå NSF på kr 15 000,- (post 3-midlar).

Krinsting

Det skal ikkje gjennomførast krinsting i 2018. Difor er det ikkje budsjettert med kostnader eller inntekter på dette prosjektet.

Styret

I samband med aktiviteten til styret er det budsjettert med ca. kr. 175 000,- i kostnader.

Kostnadane til styret er i hovudsak knytt til møter, telefonmøte, reiserekningar, samt reise og overnatting i samband med sentrale møter (Vårmøte/ Ski-tinget og Haustmøtet 2018).

Ver merksam på at Skikrinsstyret gjennom sitt budsjett også dekkar reise og overnatting for representantar frå greinkomiteane i samband med Norges Skiforbund sine Vår- og Haustmøter (i tråd med tidlegare praksis).

Trenarkurs/ utdanning

Innanfor trenarkurs/ utdanning er det lagt opp til eit budsjett i om lag balanse. Inntektene er relatert til vaksenopplæringstilskot, kursinntekter og post 3-midlar, medan kostnadane er relatert til honorar og reisekostnader til kurslærar, leige av lokale samt kjøp av kursmateriell m.m.

Ski i skulen

Ved vidareføring av Ski i Skulen 2018 er det m.a. budsjettert med kr. 100 000,- i offentlege tilskot. Dette tilskotet baserar seg på utviklingsavtale med fylkeskommunen.

Ein har vidare fått avslag på søknad om økonomisk støtte til prosjektet i 2018 frå Sparebankstiftinga.

På kostnadssida er det budsjettert med honorar til instruktører, reiserekningar og kostnader knytt til busstransport.

Det er budsjettert med at prosjektet skal balansere.

Prosjekt Telemark/ Randoneè

Forventa inntekter på dette prosjektet er kr. 50 000,-, i tråd med tidlegare tilsagn (oppstartsmidlar) frå Skikrinsstyret. Kostnadsartane er usikre, men det er lagt opp til eit rammebudsjett i balanse.

ALPINKOMITEEN

Alpinkomiteen sitt budsjett balanserer med kr. 983 900,- i driftsinntekter og kr. 983 900,- i driftskostnader.

Drift komité

Det er budsjettert med ca. kr. 370 000,- i overføring av markedsinntekter, jf. samarbeidsavtalane med Fjord1, Frydenbø AS, COOP Vest SA og Sparebanken Vest.

Ver merksam på at samarbeidsavtalen med Fjord1 og Frydenbø AS må reforhandlast i 2018.

Det er også lagt inn kr 20 000,- i lisensar/ rennavgifter. Dette er omlag same nivå som rekneskapstala for 2017 viser.

Årsbudsjettert resultat på dette prosjektet er kr. 433 900,-.

NM

Ifbm. NM er det budsjettert med at ein dekkjer startkontingent for aktuelle utøvarar – budsjettert kostnad, kr 5 000,-.

Årsbudsjettert resultat på dette prosjektet er kr. – 5 000,-

Jr. NM

Ifbm. Jr. NM er det budsjettert med at ein dekkjer startkontingent for aktuelle utøvarar – budsjettert kostnad er kr 10 000,-.

Årsbudsjettert resultat på dette prosjektet er kr. – 10 000,-.

HL

På Hovudlandsrennet og Landsfinalen er det budsjettert med reise og overnatting til hovudleiar i tillegg til startkontingent for utøvarane. Det er også budsjettert med forskottering av overnattingskostnader samt refusjon av desse (inntekter).

Årsbudsjettert resultat på dette prosjektet er kr. – 66 000,-.

Cup

Ifbm. Fjord1 cupen er det budsjettert med kr. 5000,- i annonsering, i tillegg til kr 30 000,- i kjøp av premiar.

Årsbudsjettert resultat på dette prosjektet er kr. – 35 000,-.

FIS-renn

Til FIS-renna i alpint er det budsjettert at krinsen dekkar startkontingent på 5 FIS-renn for kvar utøvar, i tillegg til FIS-lisensen.

Det er også lagt inn at krinsen forskotterar startkontingent i samband med desse renna.

Årsbudsjettert resultat på dette prosjektet er kr. – kr. 10 000,-.

Fjord1 samlingar/ krinslag

Fjord1 samlingane er budsjettert i høve til alpinkingomiteen sitt nye sportslege opplegg. Vidare er det budsjettert med innkjøp av nødvendig sportsleg utstyr til komiteen med kr. 50 000,-.

Årsbudsjettert resultat på dette prosjektet er kr. – 296 000,-.

Alpinkomiteen

Til møteverksemd i alpinkomiteen er det sett av kr. 11 000,-.

HOPP- OG KOMBINERTKOMITEEN

Hopp- og kombinertkomiteen sitt budsjett balanserar med kr. 72 600,- i driftsinntekter og kr. 72 600,- i driftskostnader.

Drift komité

Det er budsjettert med kr. 50 000,- i overføring av markedsinntekter jf. samarbeidsavtalen med SFE. Avtalen med SFE vart reforhandla for tre nye år hausten 2016.

I samband med drift av SFE-bakken er det budsjettert med reisekostnader på kr. 8 000,-

Det er også lagt inn kr 5 000,- i lisensar/ rennavgifter.

Årsbudsjettert resultat på dette prosjektet er kr. 37 000,-.

Jr. NM

Det er ikkje budsjettert med utøvarar til Jr. NM i 2018 frå Sogn og Fjordane.

HL/ «Solan Gundersen»

Ifbm. Hovedlandsrennet/ «Solan Gundersen» er det budsjettert med kostnader på tilsaman kr. 7 000,-.

Årsbudsjettert resultat på dette prosjektet er kr. – 7 000,-

Cup

I samband med SFEhopp cup er det budsjettert med reklame og annonsering på kr. 3 750,-, i tillegg til kjøp av premiar på kr. 10 000,- .

Årsbudsjettert resultat på dette prosjektet er kr. – 13 750,-

Rekrutteringsprosjekt i hopp – « Fannemel-effekten»

Det er budsjettert med rekrutteringsprosjekt i hopp.

Årsbudsjettert resultat på dette prosjektet er kr. – 12 250,-. Ev. ressursar knytt til Sommarhoppeskule i Bjørkelibakkane er også knytt til dette prosjektet.

Hopp- og kombinertkomiteen

Til møteverksemd i komiteen er det sett av kr. 4 000,-.

LANGRENNSKOMITEEN

Langrennskomiteen sitt budsjett balanserar med kr. 1 290 800,- i driftsinntekter og kr. 1 290 800,- i driftskostnader.

Drift komité

Det er budsjettert med kr 369 600 i overføring av markedsinntekter jf. samarbeidsavtalane med Sparebanken Sogn og Fjordane, ByggTeam og SFE.

Vidare er det budsjettert med kr 50 000,- i lisensar/ rennavgifter, tilsvarande nivå som rekneskapstala for 2017 syner.

Årsbudsjettert resultat på dette prosjektet er kr. 485 800,-

NM, jr. NM og HL

Ifbm. NM, jr. NM og Hovudlandsrennet er det budsjettert at ein dekkjer reise- og opphald for støtteapparat og kostnader med smørebod. Det er i tillegg budsjettert med ein andel refusjonar i samband med desse arrangementa. Det er også budsjettert med eit honorar for hovudleiar.

Årsbudsjettert resultat på desse prosjekta er samla kr – 168 400,-

Cup/ SSF Cup

Ifbm. SSF Cupen er det m.a. budsjettert med kr 35 000,- i kjøp av premiar, i tillegg til noko diverse kostnader.

Årsbudsjettert resultat på dette prosjektet er kr. – 47 500,-

FIS-renn

I samband med renna i Norgescup' en er det budsjettert at komiteen dekkjer reise- og opphald for hovudleiar og støtteapparat (3 personar ved kvart arrangement). Det er i tillegg budsjettert med eit honorar for hovudleiar. Det er også budsjettert med ein andel refusjonar i samband med desse arrangementa.

Årsbudsjettert resultat på dette prosjektet er kr. – 140 000,-

Krinslag

På krinslaget er det budsjettert med kr. 350 000,- i årskontingent (krinslagskontingent), om lag same nivå som rekneskapen for 2017 syner.

Vidare er det m.a. budsjettert med kr 125 000,- i kjøp av klede, kr. 30 000,- i reisekostnader og kr. 195 000,- i overnatting i samband med samlingar.

Årsbudsjettert resultat på dette prosjektet er kr. – 123 000,-.

Langrennskomiteen

Til møteverksemd i langrennskomiteen er det sett av kr. 6 900,-

LSV-huer

Det er ikkje budsjettert med kjøp og sal av LSV-huer.

GENERELL SLUTTKOMMENTAR

Adm. sitt framlegg til rammer for budsjett må reviderast 1. kvartal 2018.

I tillegg kan det vere aktuelt med diverse avsetningar frå 2017 til 2018, m.a.o. må budsjettet oppdaterast når skikrinsstyret gjer endeleg vedtak om ev. avsetningar.

Det blir lagt opp til at vedtak om ev. avsetningar skal gjerast i samband med styremøte i januar/februar 2018, når arbeidet med rekneskapen for 2017 er slutført.

VEDTAK

Skikrinsstyret vedtek rammene for budsjettet 2018, og gjer vidare vedtak om at budsjettet skal reviderast 1. kvartal 2018.

Ein gjer vidare vedtak om at AU tildelast ca. 50% av mva. kompensasjonen kvart år.

SAK 30 17-19

SUM; SFSK Handlingsplan 2017-2019

Bakgrunn

Oppdatert Handlingsplan 2017-2019 er vedlagt.

I møtet legg ein opp til gjennomgang av status i handlingsplanen.

VEDTAK

Skikrinsstyret tek saka til orientering, og gjer vidare vedtak om at «Sogn og Fjordane-leikane» skal avviklast laurdag 17. februar 2018 i Sogndal Skisenter. Styremedlem Tonje Norheim Tangerud følgjer opp tiltaket.

SAK 31 17-19

Skiidretten sin handlingsplan for antidoping arbeid 2017-2020

Bakgrunn

I høve til krav frå Norges Skiforbund skal Sogn og Fjordane Skikrins utvikle eigen handlingsplan for antidoping arbeid.

Døme på tiltak kan vere;

- arbeide for at arrangørar av KM/ arrangement i krinscupen gjennomfører «Rent idrettslag»
- i samarbeid med Antidoping Norge gjennomføre/ legge til rette informasjonsforedrag

VEDTAK

Skikrinsstyret gjer vedtak om at alle medlemmane i skikrinsstyret skal gjennomføre e-læringsmodulen «Ren utøver», vidare skal alle ein oppmode alle arrangørar av krinsmeisterskap sesongen 2017-2018 å gjennomføre programmet «Rent idrettslag».

ORIENTERINGSSAKER

SAK 32 17-19

Ski i Skulen 2018

Bakgrunn

Saman med Sogn og Fjordane idrettskrins har adm. sjef i sommar og haust arbeida med reforhandling av utviklingsavtalen med Sogn og Fjordane Fylkeskommune.

Medio november fekk ein tilbakemelding frå fylkeskommunen om at ein støttar prosjektet i 2018 med kr. 100 000,-

Når det gjeld den øvrige finansieringa av prosjektet har Sparebankstiftinga gjeve avslag på søknad om økonomisk støtte. Her kan ein legge til at Sparebankstiftinga har støtta prosjektet sidan oppstarten i 2009.

M.a.o. er det pr.d.d. økonomisk grunnlag for å starte prosjektet ved 5 (fem) skular. Til samanlikning har 10-15 skular teke del i prosjektet dei siste åra.

Med bakgrunn i arbeidet til idrettskrinsen og skikrinsen m.o.t. etablering av ein ny utviklingsavtale med fylkeskommunen, samt gjeldande økonomiske rammer, tilrår adm. å starte prosjektet ved 5 skular i Sogn og Fjordane vinteren 2017.

I samråd med styreleiar har ein difor gjeve tilbod til følgjande skular om deltaking i prosjektet:

- Tonning skule, Stryn kommune
- Flatene skule, Førde kommune
- Sunde skule, Førde kommune
- Breim skule, Gloppen kommune
- Trudvang skule, Sogndal kommune

VEDTAK

Skikrinsstyret tek saka til orientering.

EVENTUELT

SAK 33 17-19

Møteplan 1. halvår 2018

Bakgrunn

Skikrinsstyret fastset møteplan 1. halvår 2018.

VEDTAK

- Møte i Skikrinsstyret, 12. februar 2018
- Utvida møte i Skikrinsstyret, 16. april 2018
- Vårmetet, 14. mai 2018



Med venleg helsing
Sogn og Fjordane Skikrins

Finn Årdal (s)
Styreleiar

Yngve Thorsen (s)
Adm. sjef